


道神足無極變化經

才四

百卅八  
被士

48165



元祿九年丙子二月日重脩

皇國聖廟 帝漸銀呂

佛日增輝 懋輪常轉

山城州天安寺法金剛院置



道神足無極變化經卷第四

被

西晉安息三藏安法欽譯

復次目連於是三千大千刹土東南方去是

刹八万四千四天下國土名三慢隨質晉言

其佛名質多拘蟲怛薩阿竭阿羅訶三耶三

佛晉言如來無所著等正覺現在說法彼四

天下世界盡甚好東西南北十八街巷珍寶

滿地柔輒譬如天衣地生柔輒之草高四寸

其地所有各各異種眾色如是皆悉遍行步

若下足踏地草皆柔輒可意足舉則生如故

其地皆平如掌目連是遍等世界皆如此有

城名毘陀鬱沉晉言其城中人安隱豐饒熾

盛大樂東西長三十二俞旬南北廣十二俞旬如是目連彼善尊城人皆共居其中其國人民繁裔多於鴛迦摩竭拘留諸人民數如是目連其幻華如來世尊於善尊城中遊行止頓其中一會說法為師子吼令三十那術人皆得阿羅漢復有三十那術人得阿那含復有三十那術人得斯陀含復有三十那術人得須陀洹復有三十那術人發辟支佛行復倍不可計數人發阿耨多羅三耶三菩心復異不可計數人皆悉作功德目連是彼四天下世界有樹名末頭三披此晉言樹譬如蜜其華果實常有不乏其華果實味譬如百味飲食

彼若男子母人欲得一華一果得以食之安  
隱飽滿七日不飢不羸色貌不減身體康強  
輕便有氣力食是已訖如服甘露亦無小便  
亦不大行亦無洩唾彼無田種植者無舉假  
償責者其國中皆共食是華果彼國初不知  
有貧富俱等無異彼世界如來目蓮有九十

六億那術百千弟子衆其菩薩衆復倍於弟  
子有園名三曼陀拘蟲晉言有雜果諸弟子

衆食飲常在是園中坐其弟子衆菩薩衆皆  
坐樹下若欲食時樹自然動搖華果落墮皆  
在鉢中食飲飽訖樹不動搖華果不墮還如  
本故如是目連彼世界所有事物過倍於是

不可計目連彼世界如來則我身是我於彼  
世界以法而教導如是目連名為如來道神  
足無極之變化也一切諸弟子緣一覺所不  
及知復次目連於是三千大千刹土西南方  
去是四天下世界七万四天下世界其世界  
名比實晉言颶填容受有八万國王一天下有

八万城城外有八万聚落八万王所治颶八  
万城八万四千小城一處城聚落颶城小  
城拘利百千皆滿其中彼諸王皆奉行法非  
法之事皆悉除盡是諸王各有八万四千夫  
人姝女尔時姝女端正世之最上一一諸王  
各有五百太子一一諸王各有万二千女是

萬二千女皆端正於世最上是諸王法無鞭  
杖亦無兵器是諸王各各自治在其國目連  
彼容受世界佛号彼勿多羅陀那賴比怛薩  
阿竭阿羅訶三耶三佛晉言寶放光明如來無所著  
等正覺現在說法彼如來自連得阿耨多羅  
三耶三菩時於彼四天下踊在虛空中去地  
七仞結加趺坐一加趺坐放大光明彼時四  
天下世界皆悉相見雨於天華諸音樂器不  
鼓自鳴一一樂器出百千音聲地為六反震  
動諸伎音樂譬如梵音聲不可計百千所作  
功德所致轉於法輪一切諸欲垢皆悉盡無  
餘泥洹持菩薩所知為衆說法彼如來說法

以是四天下世界八万諸王及夫人姝女諸  
子諸女見佛變化已乃皆發阿耨多羅三耶  
三菩心彼國中一切人民男子女人男兒女  
兒皆遠塵離垢諸法眼生是諸王及夫人姝  
女諸兒諸女從佛求作沙門是時如來皆悉  
聽為沙門為沙門已在在處處在所處及城  
郭縣邑聚落其所至到處皆步行不乘車馬  
卧起飲食常於寺舍不復田作種植皆食自  
然天人來下而悉供養是時如來再會說法  
時一切諸弟子行者皆得斯陀含菩薩行者  
皆得歡喜忍三會說法時一切人皆得阿那  
含菩薩行者皆逮得五通四會說法時一切



皆得阿羅漢菩薩行者皆得不起法忍夫人  
姝女男女皆得不起法忍尔時夫人姝女及  
諸女皆轉女人身悉得男子不復見女像時  
彼如來皆授決爲阿耨多羅三耶三菩於目  
連意云何乃知彼土寶放光明如來無所著  
等正覺不目連言不及天中天佛言則我身  
是名爲如來道神足無極之變化也是故目  
連一切弟子緣一覺所不能及知也  
復次目連於是三千大千刹土西北方去是  
五万五千四天下世界其世界名捷沓提晉言  
香世界純以沘勒迦抄羅梅檀其梅檀大如  
一錢者價當是世彼世界有樹三曼陀捷陀

晉言其香普熏

彼世界一樹其香四百里其土皆

生蓮華大如車輪一華者有不可計百千葉

無央數色其華柔軟如天綰縵華生高二丈

華其香遍四天下香甚香彼世界四天下栴

檀為交露經行處亦皆栴檀波曇華來在兩

邊彼世界無城郭縣邑聚落但有交露帳覆

蓋其上其世界人民食飲譬如第五尼曼羅

天上復次彼放香普熏世界佛号捷陀勿賴

比晉言香氣如來無所著等正覺現在說法

彼如來世界純是菩薩行無有弟子緣一覺

行者其彼世界四天下悉徧滿皆得神足其

菩薩皆得不可思議忍彼菩薩輩中有菩薩

名薩和曇無惟屈羅遊

晉言無極

積一切

得不可議

願事已得三忍神通為達其所報答皆悉過  
上供養甚多不可計諸佛復次目連彼一切  
法無極積聚菩薩自念今欲問佛儻肯說者  
而欲問之作是念已便從座起放身一一毛  
之光明照四百里放身光明徧境界若干百  
種華無央數色色甚鮮好是華在於虛空去  
地七仞心念欲持是供養應時虛空中間柔  
軟音樂之聲譬如天樂是音樂聲皆出八種  
法印之聲一一法印之聲出八萬四千拘利  
經卷出七萬二千偈是時菩薩便踊在虛空  
中結加趺坐會九十六拘利那術百千人皆

作阿惟越致地皆得無所從生法忍當爲阿  
耨多羅三藐三菩如是像色貌菩薩目連滿  
彼世界一切人無有盲者亦無僂者亦無跛  
者亦無聾者無貧者無醜惡者彼一切人民  
皆是菩薩有三十二大人相其世界無有他  
餘異雜行彼國中亦無飲食者但以禪歡喜  
爲飲食其國中無有羌虜夷狄雜類之人亦  
無三惡道亦無邊地亦不於彼間歿而到他  
方國土生若有歿滅者便逮得如來佛言如  
是目連彼世界如來則我身是我於彼土以  
法而教導是名道神足無極之變化也一切  
弟子緣一覺所不能及知復次目連於是三

千大千刹土東北方去是四万二千四天下  
世界其世界名榆末陀那晉言應時彼世界人民  
婬欲甚多貪婬瞋恚愚癡慳貪鬧憤強額諸  
根習邪無信嫉妬犯惡多疑弊惡急性懶惰  
懈怠喜忘慙無所畏有吾我人壽命無黠智  
譬言如野禽畜獸不知慚羞無有禮節心意癡  
狂彼世界醜惡面目無色無所省錄其處土  
但有汙泥及諸不淨生活勤苦衣食不充喜  
鬪更相罵詈六月一雨一歲再雨五穀不豐  
惡行所致其世界地堅如鐵石簇嶽不平譬  
如蒺藜踏傷人脚毒惡止上及地但生荆棘  
彼世界所出水人民飲之濁惡鹹苦臭穢不

淨衣被皆用草藟分貧窮困厄更相看視轉相  
作使彼世界國王急性常喜瞋恚其中人民  
役使作務甚大勤苦治生田作穀粟錢財王  
皆奪取鞭杖暴虐無不被殃如是目連其國  
界中現世受殃甚劇乃尔如是比類彼復倍  
過此其世界中人命盡皆墮地獄餓鬼畜生  
三惡道中復次日連彼四天下世界如來名  
振波迦論真陀摩那迦樓晉言傷如來無所著  
等正覺而為說法彼佛如來目連現十八大  
變化而為說法七百歲說法竟七百歲無有  
一人解法者是時世尊亦不歇倦說法如故  
常持大悲而為解說如是目連彼佛世尊若

至聚落郡國縣邑若散居恒遊行無一處所  
到其國人民罵詈輕易挽減唾言持怒作等  
其世尊悉忍誘恤養護欲使度脫得至泥洹  
目連是時如來於尔所歲中說法常養護之  
說法時有八万四千那術人皆得阿羅漢復  
八万四千那術人得阿那含復八万四千那  
術人得斯陀含復八万四千那術人得須陀  
洹諸大衆一日之中皆除鬚髮作沙門悉受  
大戒是時學者不學者於三月中前所諸惡  
從佛受誨皆得離之一時俱般泥洹彼佛恒  
常在復養護緣一覺及菩薩行者其所作罪  
惡故而生彼國彼受苦痛乃爾一時皆得畢

離於是目連復白佛言惟世尊是輩菩薩作何等罪生於彼國土佛告目連菩薩有四事法往生彼國何等爲四一者猗菩薩名而求供養不學菩薩事二者目連於菩薩事不能行而懈怠雖見亦復不能持三者目連菩薩見餘菩薩得供養便妬嫉之言何以供養是斷截他人功德而輕易之四者目連菩薩不能護身口意以是故得是用是事目連得生彼國目連佛言彼佛則我身是我於彼國以法教導人名爲如來權道神足無極之變化也弟子緣一覺所不能及知其如是目連如來於是三千大千世界作佛事如是目連如



汝輩不盡悉現所以者何弟子不能及持以  
是故不能悉見復次目連於是三千大千世  
界百拘利四天下世界彼如來隨一切意而  
爲說法復次有四天下世界如梵天形像被  
服而爲說法彼世界如來不出家除鬚髮復  
次有如釋提桓因形體被服而爲說法或如  
日天王形體被服而爲說法或復如遮迦越  
王形體被服而爲說法如是比目連於是三  
千大千世界中如一切人之所願而爲說法  
如是比無央數復有異無央數不可計數佛  
刹土所爲一切弟子緣一覺所不能及知譬  
如目連月宮殿日宮殿日月天各坐其殿亦

復不出亦復不入坐照見天下如是目連佛  
世尊亦不從是起亦不到彼坐悉見不可計  
佛刹悉皆示現隨一切人上中下之所願皆  
養護之而為說法是賢者大目犍連白佛言  
何所審是佛世尊者若忉利天若閻浮利若  
天宮若三千世界此彼四天下世界復異世  
界說法乃尔所世界何所審是佛者我曹當  
云何知無極大覲之義大界之服云何得知  
目連所問如是世尊佛告大目犍連言如汝  
所問能受持不今為汝說之目連譬如幻師  
化作人若男子若女人何所審是男女者目  
連白佛言無有審是者何以故是幻呪術力

之所成於是無有持佛語目連是幻誰之所  
化是幻能所作耶目連白佛言可作出尊佛  
語目連如是一切諸法如幻化而無持在所  
作爲如是目連幻師所化術力所成化幻多  
有所作爲是幻皆等無有持如是目連如來  
以智慧一切諸刹而等示現如是皆悉無持  
爲一切所作而常等如是爲佛事以是故爲  
大無極達觀如是等所爲之大報如目連諸  
佛出尊皆一等無若干如是比目連諸法常  
等住如諸法等住成道亦亦法界而無持亦  
不若干目連汝熟思惟如來於廣遠諦尋跡  
求佛能化作恒邊沙如來三十二相一等無

異亦能令說法六十衆事所說同聲是諸如  
來悉皆知一切人心之所行是諸如來皆悉  
知一切人當得解脫者如解脫印印六情根  
而爲說法令稍稍得滿智是諸如來爲一切  
現說法以一切聞之皆奉行等知諸苦習盡  
是諸如來有三事變化說法爲四面等說法  
是諸如來悉現諸佛事於目連意云何乃尔  
所諸佛何所審是最特者如來幻幻如來何  
者爲特目連白佛言於是中如來無有能得  
知特者何以故如怛薩如怛薩所作而無增  
減於怛薩無若干作若色若像若報若慧  
若神足若說法若脫一切人如是如來於是

衆事不能若干說如是目連所作如來作如是現如化幻分諸法亦爾是故諸法無有特無若干如此目連化幻分知諸法亦爾凡人於此不能作若干乃況諸佛世尊何以故目連一切諸法習於空故念馱不用欲不欲若有若無即住其中能所作如所得於法界亦不起亦不滅目連如法界如來皆見皆知皆覺如是目連如今閻浮利地人滿其中如來示現示現變化若作如來若作比丘僧其人展轉不自知爲如來若比丘僧置是閻浮利中人目連滿是四天下若天若人及蝸蜚蠕動之類諸可所生者目連亦所人皆往佛前

乃尔久遠前世是一切皆住於佛前皆現如  
來若比丘展轉不相知復置是四天下目連  
於是三千大千刹土中一切蚰蜚蠕動之類  
滿其中皆令得人身得人身已皆令一等如  
是目連得人身得人身已皆一種類皆現如  
來比丘僧展轉不相知目連復置是三千大  
千刹土人民如是目連東方恒邊沙刹土東  
方南方西方北方四維上方下方如是十方  
一切諸世界是爲甚多不可計界都普一切  
皆令得作人身得作人身已如是人輩目連  
如來一種類一一皆使如如來皆復作比丘  
僧如是輩展轉復不能自知復置目連十方

十恒邊沙佛刹中目連如如來今坐於是持  
佛眼視諸佛刹中持佛所知譬如如是數於百  
千劫說不能究竟如是不可計佛刹於是聞  
坐見乃尔所佛刹如恒薩阿竭慧譬喻所說  
令一切皆如辟支佛索不能知不能數不能  
稱不能視辟支佛常皆不能知何況弟子以  
是故如來皆見知如是百如是千如是百千  
如是拘利百千如是恒迦羅如是頻飀如是  
阿壽如是阿僧祇如是不可計數如是恒邊  
沙如是三千大千不可計數國皆悉徧滿中  
如是目連佛言如是數無所罣礙眼所見直  
一而視而不睥睨視亦不延頸覩持佛眼一

而視遍悉見十方不可計無央數難思議無  
邊無際刹土中如是比論佛刹土其中人民  
及蛸蜚蠕動之類如是如是比一切薩怛薩  
之界多於地土之分如是薩怛薩前出初未  
曾有行皆令得人身已皆使作遮迦越王一  
一遮迦越王各各坐有官屬一遮迦越王者  
其官屬都盧皆如尔所遮迦越王展轉如是  
如是目連都盧尔所遮迦越王官屬為一遮  
迦越王官屬如此數如是比皆為如來其像  
色貌皆一種類如是因緣一切皆住在前一  
一遮迦越王及其官屬在前皆各自見有如  
來諸比丘僧諸遮迦越王各自呼獨有如來



謂其餘皆無各各皆悉各各自見一如來謂  
餘為無各各皆悉亦如是諸遮迦越王及其  
官屬身一一諸毛皆各一如來一如來皆各  
有比丘僧如是皆是如來道神足無極之變  
化其間是者不敢微意言非是如來無極示  
現之變化也若有起念是真為如來無極示

現變化之所為如是為不可計慧所為事目  
連如是於目連意云何如我今乃余所人皆  
立之於遮迦越王處如是品福分如是品福  
分皆使得作遮迦越王七寶皆具如是福分  
寧多不目連白佛言甚多甚多天中天使一  
人得者其福無能計量乃余所人不可計不

可限甚多安過之安佛言目連如是所說當  
受持孰思惟之如是諸薩怛薩作遮迦越王  
所福分如是福分甚多不如如來一毛之福  
出過是上無央數於是目連白佛言如是為  
是如來之德是為如來為大神足為大分為  
大能如是世尊我悔無所及何以故於諸法  
神通達而自損目連復白佛言彼諸一切聞是  
如來道神足無極之大變化皆逮得大德其  
有聞已發一心念其中事欲求解脫欲學逮  
滿欲得是道神足無極之變化者為發阿耨  
多羅三藐三菩心世尊如此輩人當頭面禮  
之所以者何如是人得不久是輩終不復畏

墮三惡道亦不復疑如是如是義亦不願天  
龍鬼神捷沓愆亦不願作梵天如是世尊目  
連於是聞道神足無極變化起任义手發聲  
言南無佛世尊當為聞是輩人作禮令是人  
疾逮所願欲發者已發者皆令是輩人逮得  
無極如佛無極令心於是不復轉不猶豫不  
復疑信令時諸天龍闕义捷沓愆釋梵護持  
世者供養於佛以及於法言皆悉願樂是時  
百千種諸音樂器不鼓而自鳴天優鉢羅波  
曇拘文分陀利華滿於忉利天上聞是法言  
品所說時七万二千那術諸天從本來作功  
德皆發阿耨多羅三耶三菩心皆說是言我

曹於後當來世當在諸天及世間人前作大  
師子吼如今日佛世尊師子之吼尔時月天  
子月星天子前白佛言世尊是族姓子族姓  
女於是法言品所說若受若持若念若說於  
大衆中普廣說之當得幾所福祐功德佛語  
天子於是三寶若族姓子族姓女不斷不忘  
求逮以於是法言若自持爲他人說何以故  
如天子聞是法亦不於弟子心有所求亦不  
於辟支佛心有所求常在阿耨多羅三耶  
三菩何以故持淨解脫天子得利諸根於是  
法言爲逮爲起道起歡喜心於解脫而不疑  
天子當持是法言而廣說之不斷三寶而得

住於是法言若持若諷誦若爲人說於天子  
意去何不斷三寶而常住若有於法若持  
若說於天子去何不斷於三寶而住供養於  
千佛衣被飲食牀卧具病瘦醫藥所當得於  
百千劫中寧有能計是人所得功德者不無有  
能知者世尊佛言如是天子於是所說法言  
有智黠者知是福不可計無有限量若有於  
是法言若持於衆中說其福過是無能計者  
於是弥勒白佛言世尊是法言名爲何等當  
去何持奉行佛語弥勒卿弥勒是法言名爲  
於忉利天所說持一名爲道神足無極變化  
持是屬累以相寄卿弥勒當審諦持於大會

中審諦具足說之彌勒如是像經於閻浮利  
 天下甚難得聞如是彌勒如我所說佛說已  
 皆歡喜月天子月星天子彌勒菩薩賢者大  
 目捷連諸天龍闕义捷陀羅阿須倫阿須倫  
 民莫不樂聞歡喜前為佛作禮  
 道神足無極變化經卷第四  
 被

拘蟲下直風反陋上蒲反繁反囊下羊音遊音涕上唾上替音或

償責上音常下洿上音勒上音統上音延上音紆上音陀反反下坐

也是跛必我反脚病一本作羌上音虜下音魯上音良反

戎胡夷狄下徒的反背曲疾榆上音末上音羊音丙上音憤上音開

字下俱強額上渠反憨呼談反也洿上音泥上音烏音嶽音嶽

上岳元音助角反下疾音梨音鹹音鹹音味也同音菓

音岳嶽音未詳所出疾音梨音鹹音鹹音味也同音菓

莒

上草字古用下楚

困

下厄

暴虐

下魚却

劇

加奇逆反

忡

念憂也弓反

挽

滅一上音挽

大

感胡感下

動

誘恤

上反音酉下思律

猗

於離反

大

初

鎮

睥睨

上反計反下音

願

視也

被

道神足經第四卷

被

